

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部  
第二四八冊

責任編輯：孫言誠 賀 偉

ISBN 7-5333-0535-3



2384/11

## 四庫全書存目叢書·史部二四八

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 50.875 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

# 史部第二四八冊目次

## 史部·地理類

增補武林舊事八卷

〔宋〕周密撰 〔明〕朱廷煥增補  
南京圖書館藏明崇禎十年朱廷煥刻本

一

帝京景物畧八卷

〔明〕劉侗 于奕正撰  
天津圖書館藏明崇禎刻本

一二二

山左筆談一卷

〔明〕黃淳耀撰  
涵芬樓影印清道光十一年六安晁氏木活字學海類編本

四七一

楚書一卷

〔明〕陶晉英撰  
涵芬樓影印清道光十一年六安晁氏木活字學海類編本

四七七

山東考古錄一卷

〔清〕顧炎武撰  
北京師範大學圖書館藏清康熙刻說鈴本

四八六

謫觚十事一卷

〔清〕顧炎武撰  
私藏清吳江潘氏遂初堂刻亭林遺書本

五〇一

天府廣紀四十四卷(一)

〔清〕孫承澤撰  
遼寧省圖書館藏清初鈔本

五〇八

## 增補武林舊事八卷

〔宋〕周密撰 〔明〕朱廷煥增補

南京圖書館藏明崇禎十年朱廷煥刻本

附《四庫全書總目·增補武林

舊事八卷》提要

右明崇禎刊本武林舊事二冊工部主事背理杭州關務山東朱廷煥即泗水潛夫舊本增入竇深恩澤吳山勝槩下物產災異五門刊於杭州者也傳本極罕光緒初元監利李小山司馬得之故書攤中特以見贈藏余家者已數十年卷首有古杭董鵬長方印一知為杏塋先生舊藏又有桐香館及平陽汪氏家藏書畫法帖圖記大小長方印二則叔明先生所鈐也井明士受業杏塋先生之門董氏故輒舉而贈之以誌師生沈澁之誼今表弟李君梅孫為叔明丈入室弟子師弟情誼之篤不減董之於汪故舉以奉贈伴寶藏之今去叔明丈之跋時將三十年暇時展卷當生泰山梁木之感不僅舊帙之可珍已又名取善仁和貢生宣統元年閏二月廿日錢塘丁立誠記

增補武林舊事序



武林爲東南都會顯於唐盛於  
宋人文秀出山水清麗物產殷  
富天下莫與爭也翠華南遷仁  
和駐蹕延祚百五十餘年雖偏

序

安一隅乎非若金陵六代旦暮  
易姓使王氣常收者比厥後獨  
松闌入厓山胥淪說者盡咎湖  
山謂尤物惑人甚於西子噫亦  
太過矣夫虎踞龍蟠不爲芳樂

臨春分謗顧欲以鳳山鷲嶺代

趙宋府辜將置賊臣闇王何地

哉矧茂陵在御絕游幸務節儉

遠邇安晏權歌一曲寄在康衢

則武林猶是盤庚之偃師周武

序

之鎬洛也余司權至此朱幼晉

先生以四水潛夫所著舊事見

貽暇時按籍披尋覺湖山之美

逾于昔聞而繁侈之風競勝未

已然貶舊事所紀昔猶江海此

僅涓勺昔猶京坻此僅稊粒也  
昔馬卿虛詞歸引節儉風勸之  
旨猶存潛夫從容鞆譯之朝絕  
無二國之戚豈以陋僿爲耻故  
津津其言乎余長夏苦熱憇古

序

三

梅臨奇石徧簡湖山諸志始知  
潛夫所載尚有關畧偶爲增補  
數十則友輩讀而快之從吏壽  
梓雖續貂可嗤飾蛾多事然補  
入詩什以存風流末志災傷使

知靡侈過甚足招天譴有汴京  
之樂卽有靖康之悲有武林之  
侈卽有厓山之變運若循環後  
人不昧此理持以節儉使武林  
常爲樂邦可也舊止六卷今益

序

四

爲八郎仁寶謂四水潛夫卽著  
癸辛雜識之周公謹別號弁陽  
老人集中往往見之今直著其  
名不欲使子虛無是徒爲後人  
疑揣耳

崇禎丁丑立冬日

賜進士第工部都水清吏司主

事奉

勅督理杭州關務古單父朱廷

煥撰

序

五



重刻武林舊事原敘二首



杭郡地卑隘不可以國宋高宗南播樂其湖山之秀  
物產之美遂建都焉傳五帝享國百二十有餘季雖  
曰偏安其制度禮文猶足以彷彿東京之盛可恨者  
當時之君臣忘君父之讐而沉醉于湖山之樂竟使  
中原不復九廟為墟數百載之下讀此書者不能不  
為之興歎書凡六卷四水潛夫輯潛夫亦不知為誰  
其紀武林之事較他書為備因命工刊置郡庠俾博  
雅者有攷焉武林杭郡名

武林舊事原敘

正德戊寅孟夏巡按浙江監察御史奉天宋廷佐謹  
題

夫省方觀民因俗考政固所以資監戒而志興衰者  
也有宋播遷江左建國錢唐當時臣辟謂宜枕戈嘗  
膽脩政治兵以復君父之讐雪中原之耻惟恐後可  
也顧乃宴安榮樂日事嬉遊峻宇雕牆窮極嗜欲更  
不知有二帝蒙塵不共戴天之憾此軋坤何等時也  
何暇於流連光景沉酣節序者哉昔人稱魯衛大綱  
子亦謂南宋之大綱厥亦有在乃棄而不講馴致民



風國體日以陵夷迄於崖山之溺可痛也四水潛夫不知其何許人編錄是書聿聿然若道其一時之盛者予意是編當與吳越春秋並觀則前大巡宋公所以存而刻之之意與予所以繇觀感而興監戒者當自得之矣舊梓漫蕪不可讀因而翻刻之云  
嘉靖三十九年歲在庚申秋七月十六日杭州府知府閩中陳柯謹書

增補武林舊事

訂閱姓氏

朱謀瑨幼晉

錢受益謙之

吳本泰美子

張懋忠無功

龔五諫華茂

方杰子凡

陸運昌夢鶴

李桐封若

劉士鑄羽石

周兆斗朗垣

洪吉臣載之

施昶管方

許文岐我西

朱天璧子玄

訂閱姓氏

金汝礪用叔

錢喜起賡明

徐顯大津

張玄天生

沈應節漢卿

俞時篤金延

增補武林舊事目錄

卷第一

慶壽冊寶

大禮南郊明堂

登門肆赦

恭謝

聖節

卷第二

睿藻增

御教

御教儀衛次第

燕射

公主下降

恩澤增

唱名

元正

立春

元夕

舞隊

燈品

增補武林舊事目錄

挑菜

進茶

賞花

卷第三

西湖遊幸都人遊賞

放春

社會

祭掃

浴佛

迎新

端午

禁中納涼

都人避暑

乞巧

中元

中秋

觀潮

重九

開爐

冬至

歲除

歲晚節物

卷第四

故都宮殿

卷第五

乾淳教坊樂部

卷第六

湖山勝槩上

卷第七

湖山勝槩下

增吳山

卷第八

諸市

瓦子勾欄

酒樓

增補武林舊事目錄

歌館

賃物

作坊

驕民

游手

物產增

市食

諸色酒名

小經紀

諸色伎藝人

災異增

增補武林舊事目錄

增補武林舊事卷之一

四水潛夫 周 密公謹 輯

冬官樞使 朱廷煥中白 增補

錢唐後學 張 鼎石宗 較閱

慶壽冊寶

壽皇聖孝冠絕古今承顏兩宮以天下養一時盛事莫大於慶壽之典今據錄大畧於此

淳熙三年光堯聖壽七十預於舊歲冬至加上兩宮尊號立春日行慶壽禮至十三年太上八十正月元

增補武林舊事 卷一

日再舉慶典其日文武百僚集大慶殿各服朝服用法駕五百三十四人大樂四十八架正樂一百八十八人及列儀仗鼓吹於殿門外上服通天冠絳紗袍執大圭恭行冊寶之禮禮儀使以下皆導從上乘輦從至德壽宮俟太上升御座宮架樂作皇帝北向再拜奏起居致詞曰臣某稽首言伏惟聖號太上皇帝陛下壽同天永德與日新典冊揚徽華夷賴慶左相宣答曰聖號太上皇帝聖旨皇帝迎陽展采纓牒榮親何幸吾身屢觀盛事次皇太子以下稱賀致詞宣

答訖並再拜舞蹈禮畢次詣太上皇后殿行禮如前

候解嚴訖皇帝入宮進奉禮物行家人禮御宴極歡

自皇帝以至羣臣禁衛吏卒往來皆簪花後三日百

官拜表稱賀於文德殿四方快觀盛事都民垂白之

老喜極有至泣下者楊誠齋詩云長樂宮前望翠

華玉皇來賀太皇家青天白日仍飛雪錯認東風轉

柳花春色何須羯鼓催君王元日領春回牡丹芍

藥薔薇朵都向千官帽上開任斯菴詩云金爵觚

稜曉日開三朝喜氣一時回聖人先御紅鸞扇天子

增補武林舊事 卷一

龍輿萬騎來霜曉君王出問安寶香隨輦護朝寒

五雲深處三宮宴九奏聲中二聖歡

四孟駕出

先期禁衛所及閤門牒臨安府約束居民不許登高

視祖觀看男子並令衫帶婦人裙背仍先一日封閉

樓門取責知委不許容看來歷不明之人殿步三司

各撥統制將官軍兵六千二百人擺設諸巷大禮則

至日五鼓地分頭項沿門驅逐雜人外儀衛節次如

後

|       |       |       |
|-------|-------|-------|
| 地分約欄  | 諸廂約欄  | 緝捕使臣  |
| 都轄官約欄 | 軍器庫從物 | 內藏庫從物 |
| 御酒庫從物 | 御厨從物  | 祇候庫從物 |
| 御藥院御馬 | 御藥院藥架 | 引從舍人行 |
| 諸司庫務官 | 行宮殿門  | 前驅親從  |
| 控權親從  | 贊喝舍人  | 都下親從  |
| 天武    | 駕頭    | 引主駕首  |
| 閣門提點  | 御史臺知班 | 院馬御馬  |
| 密院副   | 珠子御座  | 茶酒班   |
| 閣門簿書  | 宣贊舍人  | 帶御器械  |
| 環衛官   | 道遇輦   | 翰林司官  |
| 輦官人員  | 御燎子頭籠 | 御座馬   |
| 閣門承受  | 御服所   | 御軍器庫  |
| 御絲鞋所  | 御軍器庫  | 閣門覺察官 |
| 馬院總管  | 閣門覺察官 | 閣子庫   |

|         |         |        |
|---------|---------|--------|
| 茶酒班殿侍   | 繁鞭      | 茶酒班殿侍  |
| 快行親從    | 殿前指揮使   | 編排禁衛行子 |
| 等子人員十將  | 知閣門事    | 御龍直    |
| 步帥      | 親從方圍子   | 第一重    |
| 圍子兩邊各四重 | 第二重     | 第三重    |
| 第三重     | 水手并戲捕等子 | 殿帥     |
| 主管禁衛所   | 中道      | 行親從    |
| 水晶骨朵    | 編排官     | 執燈籠親從  |
| 行門      | 當食官     | 打燭快行   |

聽宣官

輦官人員

平輦

輦官一十六人

黃羅御繳二

黃羅御扇二

挾輦御藥

帶插外御帶

帶插閣下官

閤門覺察舍人

攔後圍子

挾輦指揮使

各二十一人

輦後樂

東西兩班各三十人第一日不作

天武

兩行各八人居外

都下親從

兩行各八人

扇箕

挾輦內殿直

各二十二人

宰臣

使相

執政

宰執後約攔親從

各二十二人

閤門覺察宣贊舍人

增補武林舊事 卷一

五

侍從後約攔親從

各二十二人

從駕臣僚分東西

班

東班繫尚書侍郎兩制等官西班繫正任宗室選郡

車駕所經諸百官司皆結綵門迎駕起居俟駕頭

將至知班行門喝班到排立次喝躬身拜再拜

不拜值

班首奏聖躬萬福唱喏直身立

觀巷軍兵則呼萬歲

大禮

南郊明堂

三歲一郊預於元日降詔以冬至有事於南郊或用

次年元日行事

明堂止於半年前降詔是歲季秋上旱日

光於五六月

內擇日命帥漕及脩內司脩飾郊壇及絞縛青城齋

殿等屋凡數百間悉覆以葦席護以青布拜差官兵

脩築泥路自太廟至奉禮門又自嘉會門至麗正門

計九里三百二十步

明堂止自太廟至麗正門

皆以潮沙填築其

平如席以便五輅之往來每隊各有歌頭以綵旗爲

號唱和杵歌等曲以相兩街居民各以綵段錢酒爲

犒又命象院教象前導朱旗以二金三鼓爲節各有

幟頭紫衣蠻奴乘之手執短鐮旋轉跪起悉如人意

市井因競市繪塑小象以饋遺四方又以車五乘壓

以鐵多至萬斤與輅輕重適等以觀疾徐傾側之勢

增補武林舊事 卷一

六

前一月進呈謂之閱試駕出前一日縛大綵屋於太

廟前置輅其中許都人觀瞻前一月以來次第按試

習儀殆無虛日郊前十日執事陪祀等官並受誓戒

於尚書省

宗室赴太廟受誓戒

前三日百官奏請皇帝致齋于

大慶殿是日上服通天冠絳紗袍結綵佩陞高座侍

中奏請降座就齋室次日享駕詣景靈宮服袞冕行

禮

儀從並同四孟

禮畢駕回就赴太廟齋殿宿齋是夕四鼓

上服袞冕詣祖宗諸室行朝饗之禮是夜鹵簿儀仗

軍兵於御路兩傍分列間以糝盆黃燭自太廟直至

郊壇泰禋門輝映如晝。宰執親王貴家巨室列幕櫺。此皆不遠千里不憚重費預定於數月之前至期猶為有力所奪珠翠錦繡絢爛於二十里間雖寸地不容閒也歌舞遊遨工藝百物輻輳爭售通宵駢闐至五更則櫟稍先驅所至皆滅燈火蓋清道祓除之義。黎明上御玉輅從以四輅。金泉章木導以訓象千官百司法駕儀仗錦繡雜遝蓋十倍孟饗之數聲容文物不可盡述次第出嘉會門至青城宿齋。明堂側徑入麗正門齋殿齋宿四壁皆三衙諸軍周廬坐甲軍幕旌旗布列前後傳

增補武林舊事 卷一

七

呼唱號列燭互巡往來如織行官至幕則嚴更警惕太廟齋鼓角轟振又有衛士十餘隊每隊十餘人互喝云是與不是衆應曰是又喝曰是甚人衆應曰殿前都指揮使某人謂之喝探至三鼓執事陪祀官並入就黃壇排立萬燈輝耀粲若列星凡靛燈皆自爲誌號如捧俎官則畫一人爲捧俎之狀蓋燈多不容不以此辨認亦有好奇可笑者用丑時一刻行事至期上服通天冠絳紗袍乘輦至大次禮部侍郎奏中嚴外辨禮儀使奏請皇帝行事上服袞冕步至小次

升自午階天步所臨皆藉以黃羅謂之黃道中貴一人以大金合貯片腦迎前撤之禮儀使前導殿中監進大圭至版位禮直官奏有司謹具請行事。官衆樂皆樂作時壇壇內外凡數萬衆皆肅然無譁天風時送佩環韶濩之音真如九天吹下也太社令升煙燔牲首上先詣昊天位次皇地祇次祖宗位奠玉祭酒讀冊文武二舞次亞終獻行禮畢上詣飲福位爵飲福酒。登歌樂作禮直官喝賜胙次送神次望燎訖禮儀使奏禮畢上還大次更衣乘輦還齋宮百僚追班賀禮

增補武林舊事 卷一

八

成於端誠殿黎明上乘大安輦從以五輅進發教坊排立奏念致語口號訖樂作諸軍隊伍亦次第鼓吹振作千乘萬騎如雲奔潮涌四方萬姓如鱗次蟻聚迤邐入麗正門教坊排立再奏致語口號舞畢降輦小憩以俟辨嚴登門肆赦。升陽老人有詩云黃道官羅瑞腦香袞袍升降佩鏘鏘大安輦奏乾安曲萬點明星簇紫皇萬騎雲從簇錦圍內官排立馬如飛九重闔闔開清曉太母登樓望駕歸李鶴田詩云嚴更頻報夜何其萬甲聲傳遠近隨梔子燈前紅

炳炯大安輦上赴壇時

九月十五日明堂大禮十三日雨未時奏請宿齋十四日駕詣景靈宮回太廟宿齋雨不止午後太上遣提舉至太廟傳語官家連日祀事不易十六日詣宮飲福陰雨泥濘可免勞煩天氣陰寒請美進御膳頻添御服上遣閣長回奏上感聖恩至日若登樓肆赦依舊詣官行禮不登門時當奏聞晚雨不止宣諭太禮使趙雄來早更不乘輅止用道遥輦詣文德殿齋一應儀仗排立並免放從駕官並常服以從併遣御

增補武林舊事

九

藥奏聞北內大禮使趙雄雖已得旨猶不許放仗上聞之曰來早若不晴時有何面目雄聞之曰縱使不晴得罪不過罷相耳堅執不肯放散至黃昏後雨止月明上大喜遣內侍李思恭宣諭趙雄仍舊乘輅再遣御藥奏聞北內天晴仍舊乘輅候登門訖詣官行禮十五日晴色甚佳車駕自太廟乘輅還內日映御袍天顏甚喜都民皆讚嘆聖德至巳時太上遣直閣官往齋殿傳語官家且喜晴明可見誠心感格賜御用段疋至鞦轡七寶篋刀子事件素食果子等仍奏

連日勞頓免行飲福禮上就遣知閣回奏上感聖恩天氣轉晴皆太上皇帝聖心感格容肆赦訖詣官行禮併謝聖恩十六日登門肆赦畢車駕詣宮小次降輦提舉傳太上聖旨特減八拜仍免至壽聖處飲福行禮畢畧至絳華堂進泛索知閣張綸進臨江詞云開道彤廷森寶仗霜風逐雨驅雲六龍扶輦下青冥香隨鑾扇遠日映赭袍明簾捲天街人頂戴滿城喜氣氤氳等閒散作八荒春祗知天意好昨夜月華新

西湖志餘

增補武林舊事

十

東都舊有青城齋宮渡江後以幕屋絞縛爲之每郊費緡錢十餘萬淳熙末張杓爲京尹始議築齋宮考一勞永逸上從之宇文寶學价時宿直奏曰陛下方經畧河南今築青城於臨安是無中原意也上以爲然亟命罷役

朝野雜紀

郊壇天盤至地高三丈二尺四寸通七十二級分四成上廣七丈共十二階分三十六龕午階濶一丈主上升降絲此階其餘各濶五尺圓壇之上止設吳天上帝皇地祇二神位及太祖

太宗配天十六龕共祀五帝太一感生北極北斗及分祀衆星三百六十位

仗用六千八百八十九人自太廟排列至青城王輅下祗應人共三百二十一人

呵喝人員二人 教馬官二人

挾捧輪將軍四人 推輪車子官健

八人 駕士班直二百三十二人

千牛衛將軍二員 抱太常龍旗官

六員 職掌五人 專知官一名

增補武林舊事 卷一

十一

手分一名 庫子八人 裝掛匠二人

諸作工匠十五人 蓋覆儀鸞司十

一人 監官三員

金象革木輅每輅下一百五十六人

玉輅青飾 金輅黃飾 象輅紅飾

革輅淺色飾 木輅黑飾 輅下有人冠服並依輅色

玉輅前儀仗騎導

騎導官 左壁文臣 右壁武臣

六軍儀仗官兵二千二百三十二人

左右諸將軍十三員 中道五員 左右八員

金吾衛仗司

執纛稍八十人

押將軍八員

仗下監門二十六員

鼓吹五百八十

三人 導駕樂八三百三十人

登門肆赦 補一條

其日駕自文德殿詣麗正門御樓教坊作樂迎導參軍色念致語雜劇色念口號至御幄降輦門下閣門進中嚴外辨牌訖御藥喝捲簾上出幄臨軒門下鳴

增補武林舊事 卷一

十二

鞭官架奏曲簾捲扇開樂止撞石五鐘黃鞦繞出門下宰臣已下兩拜分班立門上中書令稱有敕立金雞門下侍郎應喏宜奉敕立金雞雞竿一起門上仙鶴童子捧敕書降下閣門接置案上太常寺擊鼓鼓止捧案至樓前中心知閣稱宜付三省參政跪受捧制書出班跪奏請付外施行門上中書令承旨宣曰制可門下參政稱宜付三省遂以制書授宰臣跪受訖閣門提點開折授宜赦舍人捧詣宜制位起居舍人一員摘句讀舍人稱有制宰臣已下再拜俟讀至



咸赦除之。獄級奏脫枷訖。罪囚應喏。三呼萬歲。歌呼而出。候宣赦訖。門上舍人贊樞密及中書令曲賀。兩拜。門下宜制舍人捧制書授宰臣。宰臣授刑部尚書。尚書授刑房錄事。訖。歸班。兩拜。致詞三舞。踊三叩頭。知閤稱有制。宰臣已下再拜。知閤宣答。云云若時大慶典與等同之。又拜舞如前。門上中書令奏禮畢。扇合。宮架樂作。簾降。樂止。撞左五鐘。門下禮部郎中奏解嚴。上還幄次。門下鳴鞭。舍人喝奉赦放。仗宰臣已下再拜退。次宜勞將士訖。乘輦歸內。至南宮門。教坊司迎駕。念致語。口號如前。至文德殿降輦。舞畢退。升陽翁詩云。換輦登門捲御簾。侍中承制舍人宣。鳳書乍脫金雞口。一派歡聲下九天。

孝宗受禪赦文云。凡今者發政施仁之日。皆得之問。安視膳之餘。天下誦之。洪景嚴筆也。鳴林玉露

金雞竿。長五丈五尺。四面各百戲。一人緣索而上。謂之搶金雞。先到者得利物。呼萬歲。續羅襪子一領。三兩。諸州進奏院各有通鋪。腰鈴黃旗者數人。侯宜赦訖。即先發太平州。萬州。壽春府。取太平。萬

壽之語。以次俱發。鈴聲滿道。都人競觀。

樓下排立次第

|          |       |
|----------|-------|
| 青龍白虎旗各一  | 信旗二   |
| 方扇二      | 方圓罕傘二 |
| 劍二       | 將軍二   |
| 道眾居右     | 玉輅居中  |
| 宣赦臺      | 招拜紅旗  |
| 三院罪囚獄級居左 | 擊鼓    |
| 宜制位居中    | 御馬六疋居 |
|          | 橫門    |

恭謝

大禮後。擇日行恭謝禮。第一日駕出如四孟儀。詣景靈宮。天興殿。聖祖前行。恭謝。禮次詣中殿。祖宗神御前行。禮還齋殿。進膳訖。引宰臣已下賜茶。茶畢。奏事訖。還內。

第二日上乘輦。自後殿門出。教坊都管已下。於祥曦殿南迎駕起居。叅軍色念致語。雜劇色念口號。樂作駕後樂。東西班。則於和寧門外排立。後從作樂。將至